

10

HARVARD COLLEGE LIBRARY  
FROM THE  
HARVARD-YENCHING  
INSTITUTE  
JUL 18 1930

*Ch. 3150/0341.83*

襄垣縣續志卷之十

知縣李汝霖編輯

續孝義

孝子

許坦性至孝事繼父如生父父有腿疾艱於行出入孝子負之左右不離及卒痛毀幾絕塋後哀慕不已每飯必馱其天性誠懇如此子六孫十二人以為孝德之感吳撫台旌表疏云孝子純篤性成端方素著甫值髫齡之歲即諳循咳之儀有懷二人事嗣父善成厥志無愧九我啟後昆長發其祥堪為倫常之矜式宜邀

哈佛大學哈佛藥宗  
圖書館珍藏印

旌典以褒榮入忠義祠建坊府南門外

李德培乾隆甲午孝廉也童年失怙嘗以不及事父爲憾事寡母黃氏溫清定省自侍疾以至塋祭於禮有加無已奉母訓讀書品端學粹家居不仕終身不忘其親胡邑侯匾旌之已詳前志迄今子孫蕃衍世繼書香咸豐辛酉建坊

旌表入忠義祠

趙光彥父性嚴子先意承志不敢偶違事繼母亦如之年逾六旬而孝思不倦人稱孺慕不已

許永和幼失恃其奉厥父不敢違意事繼母申氏不異生母母病日久延醫求神終無怠志母病尋愈孝之所感如此

米福家素貧耕田事親母病藥必親嘗雖時往于田而飲食疴癢無時不惓惓于親族黨咸稱其孝

劉滿海家貧如洗傭工以事其親母歿春秋致祭極誠總以不及奉生爲憾後侍繼母疾曲盡其孝鄉人稱之

李士達性至孝養生送死克盡其禮每屆其親冥辰輒感傷不食其孺慕之心存歿不二如此

孫子壯性孝友父積逋負數千金欲令諸子分爨各還

其僮子壯慨然曰親老弟幼何分爨爲願獨任其事厥後逋負清於諸弟更加體恤迄今家道復隆人謂孝友之報

庠生韓安慶性謹厚幼失怙生母孔氏亦亡賴嫡母趙氏育養成立嘗以未報劬勞爲恨因竭力以事趙孝行多端不勝縷述及趙歿猶於韓氏宗祠出告反面無簡於禮聞者莫不嘆異

庠生王暄性純篤恪守庭訓不離左右父歿哀毀骨立依依孺慕終身不忘先是其父嘗欲建文昌樓

於村南不果孝子力爲經營以繼其志且家奉木主每事必告久之若有見聞人驚爲異

### 義士

李將出從九品銜鄉飲正賓恤孤賑貧好善樂施鄉人咸頌之曰老善人道光八年邑侯張以七世同居親書義以爲上匾旌之題曰李將出與其從堂弟歲貢生將震太學生將巽恪承先志不析箸者累世矣家惟耕讀重本也不事商賈遠利也咸有古風旌之以式鄉里逾年又贈對聯曰敦孝友睦婣任恤書和親康樂安平

趙映奎附貢生直隸州州同倚居心純厚處世寬和尤

好善樂施於邑中公事無不捐貲以成其美助修城  
王慨然倡捐三百金立有家塾凡戚族貧者招來就  
學且助其資斧其他周急濟困睦族和鄰善行種種  
古道照人今鄉里咸以爲義行足式焉

孝子 補遺

趙炳文純孝性成始終無間同治年詳請

旌表八忠義祠

襄垣縣續志

續列女

節孝

道光二十六年舉報節烈孝婦六十九名業奉詳請

旌表總建牌坊於潞郡南關矣在昔請旌之日各著志行

迄今散佚之餘無從考證暗中摸索既虛實不相符  
任意鋪揚終覺詞多鮮當要其際遇攸殊操行不一  
或賦黃鵠於青年或守孤鸞於白首或孝事雙親唯  
冀竭誠盡慎或撫養孤子務求立德成名更有家貧  
如洗勤紡織而節凜冰霜事變非常歷險危而志堅

墓址見續志 卷之十  
四  
類皆有懷清履潔之操允足爲勵俗維風之化爰將  
姓氏悉著簡編

陳汝亨妻苗氏

楊進倉妻趙氏

李九經妻向氏

栗金林妻牛氏

劉晉彰妻趙氏

弓存來妻王氏

米繼成妻郭氏

郭萬青妻趙氏

李官讓妻史氏

李建源妻梁氏

高永升妻郝氏

李儒珍妻韓氏

郝子瑞妻賈氏

趙嗣訓妻李氏

趙賢魁妻韓氏

楊瀛林妻陳氏

李位顯妻郭氏

韓九會妻王氏

職員趙守廉妻張氏

王廷壯妻張氏

郝秉仁妻王氏

趙文溶妻李氏

張廷華妻章氏

趙 澹妻王氏

張文炳妻李氏

李 梓妻李氏

貢生趙守謙妻武氏

趙 源妻張氏

張廣有妻許氏

高永豐妻李氏

王永清妻趙氏

焦 保妻劉氏

許守道妻王氏

申育月妻常氏

張化章妻李氏

崔永成妻史氏

武占鼇妻李氏

韓錫民妻馮氏

韓緒妻趙氏

趙培栽妻馬氏

馮履祥妻魏氏

張游妻崔氏

趙存心妻李氏

王廷玉妻米氏

趙存理妻向氏

李毓順妻秦氏

張慶常妻范氏

趙廣宗妻郭氏

李將仕妻趙氏

高攀鳳妻張氏

張潢妻趙氏

張作栗妻楊氏

李清才妻楊氏

生員趙玉芝妻李氏

張大柱妻趙氏

劉玉振妻李氏

趙映維妻李氏

郭萬倉妻王氏

趙烈妻李氏

馮得芳妻田氏

趙守約妻李氏

許憲妻申氏

張作瀾妻陳氏

趙澍妻李氏

郭培仁妻趙氏

趙玉柱妻韓氏

李超瀛妻李氏

郝安富妻楊氏二十七歲夫亡遺子甫七月家貧如

洗氏勤紡織茹冰蘖事孀姑撫孤子守節五十二

年子映文以鄉耆授六品軍功長孫儒魁技貢李

孫儒英廩生郝門一線不絕皆氏之功德也

咸豐十年詳請

旌表節婦八十一名總建牌坊於儒學西偏

趙鳴玉妻史氏二十六歲夫亡家貧親老子尚幼氏

仰事俯育不遺餘力且以紡織伴子讀書尤見苦

心以守節終

武攀桂妻宋氏二十四歲守節上事雙親下撫孤子

艱苦備嘗終身不倦

申 灝妻趙氏二十三歲夫故翁姑相繼逝內外無

依氏毀粧自誓撫孤成立鄉里重之

姜天祿妻李氏溫柔敦厚夫故時二十六歲清操自

矢教子成人大有婦德守節四十餘年

張興仁妻常氏二十四歲守節姑老氏先意承志奉

養無違子幼病瘠泣禱先靈求庇延祀後旋愈人

以爲至誠听感

秦萬春妻張氏二十四歲守節家貧無資紡績自給

事親教子人稱賢良

生 王建功妻張氏性至孝二十八歲夫亡遺一子甫二

齡鞠育顧復備極艱辛守節四十九年

陶示泰妻白氏二十二歲夫亡孝慈兼盡守節四十



餘年孫子繩繩人服其盛德

李霖川妻季氏夫故時三十歲奉姑溫 and 訓子嚴肅

守節三十一年

武大全妻申氏二十四歲夫亡翁姑早逝虔誠致祭

每以不及生養為憾遺子四齡撫養尤至守節三

十二年

傅永祥妻向氏夫故時二十八歲家貧無嗣內外鮮

依氏矢志無他紡織度日撫姪子教養成人夫嗣

不絕

張鴻禧妻李氏二十九歲守節奉親教子兩無遺憾

守節二十七年

李秉溫妻范氏二十九歲夫亡苦志守節操行不苟

撫二子成立以奉先祀鄉党贈之曰節孝可風

李有溫妻王氏十八歲夫亡無子有勸其改適者氏

曰人不能改後獨不可奉先乎遂孝事孀姑克盡

婦職守節三十三年

連九珠妻楊氏二十一歲夫亡無子翁姑年邁生事

葬祭備極其誠取堂姪為嗣以承先祀守節三十

餘年

增 李資深妻路氏二十九歲守節姑年八十餘孝事尤

謹撫孤映沫機聲伴讀不間寒暑後子入庠食餼  
王學師表其門曰彤管揚休

任起洪妻邢氏十八歲夫亡遺孤數月安貧撫育訓  
養成人守節三十餘歲

王太妻栗氏二十九歲夫亡乏嗣取姪為子愛如  
已出年七十六歲

王泰明妻韓氏二十六歲夫故翁姑早逝撫孤成人  
養而兼教孫子林立一堂四世雍睦可風守節四  
十七年

王禎福妻侯氏二十七歲守節翁姑多病氏竭誠服  
事數年如一日撫弱弟成立曲盡苦心壽六十終

崔岐泰妻任氏二十八歲守節奉事翁姑色養無違  
遺孤多疾撫育尤周聞者賢之

魏紹謙妻王氏二十九歲夫亡姑老子幼仰事俯育  
終身無異志鄰里善之

郭倫元妻孫氏二十九歲守節孝事病姑朝夕不倦  
姑甚德之撫姪子如已出教養成人賢稱閭里

劉一畏妻蕭氏二十二歲夫亡姑亦失明氏出入持  
扶畧無惰志撫孤成立尤足為宗祀光

李高年妻常氏二十六歲夫偶家貧子幼有奪之使

嫁者氏嫉之如仇守節三十四年

栗師孟妻張氏二十四歲夫亡姑每悲傷不已氏引子戲於親前曲解其憂稍長即使之往學鄰里有改適者恥道之守節四十年

張從龍妻李氏二十四歲守節事親孝撫姪勤家雖貧而不厭糟糠學師以鶴潔松貞匾贈之

苗多安妻趙氏二十八歲夫故翁姑亦逝遺子方離襁褓氏撫育成立別無異志且天性純篤好施予不苟言笑嘗以不能濟物爲恨鄉里善之

李文光妻崔氏二十六歲守節翁姑有病嘗默禱愿以身代撫孤與姪視之如一雖家貧無資而淡然自甘

李國柱妻栗氏二十六歲夫亡家貧子幼氏茹茶飲冰縫紉度日且訓子維勤絲粟必重出入必面人謂其有嚴父風

王道治妻李氏二十六歲守節時值歲飢時紡織度日苦不可言且撫子身親課讀不令與村童狎處學師以貞靜幽閒匾獎之

張大壯妻周氏二十二歲夫亡翁隨歿姑傷夫悼子氣忿失明氏朝夕扶持奉事不怠遺子僅八月撫

育之勞心力俱悴張氏一脉賴以不墜

王永全妻邱氏于歸時翁姑年高孝養無虧二十九

歲夫亡遺四子前生者一氏待之無少殊守節五

十年

王用中妻尚氏二十五歲夫亡奉事孀姑克盡孝道

撫孤四歲不稍姑息漸長令讀書偶廢學即忿怒

不食守節三十餘年

生員王建中妻汪氏二十七歲夫亡遺一子尚幼翁姑恐

有異志每以姑媳妯娌之守節喻之氏泣對以奉

親撫孤為愿迄今三十餘年一門三節風格凜然

子鏞弱冠入庠名噪儒林皆氏之力

連培元妻高氏幼即以孝聞姑聘為子婦于歸後事

姑如母二十七歲夫亡撫子成立備見苦心

連守富妻郝氏二十六歲夫亡姑有腿疾氏事之委

曲如意撫子元亨情同嚴父人稱端謹士稟母教也

鄭榮先妻姬氏二十五歲夫亡無子堂兄耀先六子

氏取三子繼之繩繩不絕次子九經入太學孫蘭

臺入邑庠皆氏之功德也

馮寅泰妻趙氏十九歲夫亡無嗣姑患腹疾氏晝夜

與姑同室躬親服事取姪為嗣撫如已出後為子

擇杜氏未婚失明氏憐之多方護持使子婦和睦  
尤人所難守節四十九年

張金銘妻趙氏二十九歲夫亡無子翁姑染病數年  
氏服事始終無間撫姪爲嗣教養備至守節三十  
四年

崔德成妻范氏事姑孝二十二歲夫故子幼鄰人以  
改適勸之氏曰上有孀姑下有遺子豈忍落他人  
手乎遂立志守節鄉人嘆服

武天文妻孫氏二十四歲夫亡無嗣悲不自勝每不  
欲生姑泣言勸諭取姪爲嗣孝姑教子始終如一  
守節二十一年

張映斗妻張氏二十九歲夫亡事親不怠教子成人  
守節三十九年

張育楨妻韓氏二十八歲夫故事親教子無愧婦職  
守節四十六年

王克寬妻楊氏二十五歲失偶事姑貧而能孝無子  
可守然志不可奪生有二女遂依婿爲生邑侯張  
公倪公給粟綿周濟人爭傳之

李春和妻張氏奉姑最孝二十九歲夫歿較夫存而  
倍篤姑賴以安且乏嗣遺女尚幼母女紡織爲生

淡泊自安終身無他志守節三十三年

王秉安妻傅氏夫亡二十七歲事姑最孝撫螟蛉無異所出守節三十六年

范宗臯妻王氏于歸後夫宿有殘疾氏賓敬無嫌及夫歿氏年二十五歲上事老姑下撫幼子孝而兼慈克盡婦職守節三十餘年

原善堯妻李氏夫故家貧無度以紡績餘貲孝事翁姑年均八十餘子孫林立苦守三十四年王學師以芳徽足式匾表之

張世貴妻王氏年二十八歲矢偶家貧親老竭力奉養撫育三孤皆賴成人守節三十五年

王新業妻陳氏三十歲守節敬事翁姑躬親紡織撫三子一女脩極艱苦年七十三歲卒

在國敖妻郭氏二十六歲夫故呼號欲絕幾不能生因憐孤子矢志守節教以義方享年八十餘歲

王樂恭妻解氏二十五歲守節奉親撫孤備歷艱辛年七十餘學師表其門曰孝慈兼盡

王九常妻孫氏二十六歲夫亡善事翁姑訓子尤嚴守節四十餘年

李克溫妻王氏二十五歲夫亡翁姑衰老奉養無違

後翁得晚子甫二歲失恃氏以嫂撫叔恩養成人  
現年六十八歲有司以壺範堪師表之

姬承先妻張氏二十九歲守節善承姑志撫孤成立  
年六十一歲

解興攀妻薛氏二十八歲夫亡孝事孀姑始終無間  
撫育孤子慈愛交盡人稱賢淑

王樂銀妻曹氏夫亡子幼呼號欲絕因孤子無依茹  
苦自甘撫養成人守節三十餘年卒

秦進和妻張氏二十三歲夫故遺孤亦亡痛不欲生  
入勸以先祀當重乃取繼子廷俊爲嗣撫如已出  
弱冠列武庠母訓居多

燕景鎬妻薛氏年二十八歲夫亡立志殉夫斃而復  
甦爲家人所勸始釋守節三十餘年

貢刑國瑞妻王氏二十六歲夫亡與妾吳氏以節相厲  
共事老姑睦如兄弟姑年八十餘皆二氏奉養之  
善也王學師給匾曰雙鶴鳴清

張鵬飛妻郭氏二十六歲守節家貧難度氏孝養翁  
姑撫育孤子各盡心力始終不渝

程鵬遠妻路氏二十八歲夫亡親老子幼家貧如洗  
氏勤紡織課女紅備極艱辛壽八十八歲

秦發軔妻却氏二十一歲夫亡奉姑以孝撫姪爲子  
守節五十餘年壽七十六歲

馬世全妻楊氏夫亡二十四歲事親能色養教子有  
義方孫二曾孫十遂成望族享壽八十有九人以  
爲苦節之報云

李國珍妻季氏二十歲夫亡孝事萱堂姑媳相得遺  
子甫週歲氏撫育成人嚴加訓勉守節三十七年  
王康妻李氏二十六歲夫故孝親撫孤家聲賴以  
不墜

王新業妻陳氏二十九歲夫亡敬奉雙親養生送死  
躬親紡績撫子成家守節四十三年

栗喜然繼妻姚氏二十六歲守節親老子幼孝慈各  
盡卒年五十四歲

李璽武妻張氏二十五歲夫亡於外家寒無依有以  
改適勸氏者氏剪髮毀容誓死不易教子嚴謹不  
少姑息邑宰卓以全節撫孤額其門

李炯然妻王氏二十一歲守節奉姑以孝處家以和  
姪啟鵬三齡失恃氏撫育保抱愛若親生鄉里稱  
賢淑焉

郭攀冉妻孫氏二十七歲守節翁姑早逝事本生父



母孝養無間撫子秉元成名學師旌其門曰清節  
可風

馮堯麟妻趙氏夫歿家貧奉姑育子均資紡績勤苦  
不倦鄉里重之

李境翹妻王氏二十八歲夫亡家貧善事翁姑兼撫  
二子含酸茹苦清操自勵以守節終

王緒武妻李氏二十六歲夫亡姑逝翁老子幼饑殍  
不給氏以紡織相濟苦守三十餘年五十九歲卒  
李師愷妻陳氏二十七歲夫亡翁姑早逝遺孤方匝  
月依伯舅姑度日辛勤教子至於成立卒年五十

九歲

李增馨妻白氏夫歿二十七歲孝事孀姑定省維殷  
無疾聲遽色慈以撫孤愛而知勞於氏有焉

王煥然繼妻李氏二十五歲夫亡時已有繼子氏所  
生三子待之如一學師以清月寒潭匾學台以徽  
揚彤管匾同旌之

栗清選妻李氏二十一歲夫歿與堂舅姑同居孝事  
無間撫孤懷媛教養兼至後入邑庠卒年四十一

歲

李蟠根妻武氏二十歲夫歿無子翁姑早逝事本生

李父母奉養無違取姪為嗣訓養成人以承先祀

趙九如妻李氏十八歲夫亡事翁姑以孝聞因無子

慰姑勸翁納妾立嗣覓丹青寫夫狀朝夕禮拜示

無二志以守節終

以上俱入節孝祠

連登喜妻王氏十九歲夫亡呼號欲絕既歿不休夜

半化紙畢自縊柩前聞者惻然

桑守法妻馬氏二十二歲夫亡誓死守節家貧如洗

紡織以事翁姑欲撫孤子成立後因母家父偏伊

改嫁遂自縊

張八炖妻杜氏十九歲夫故家貧紡織為生撫週歲

孤恩勤備至守節四十一年

許廣羸妻白氏二十九歲夫亡無嗣欲殉夫地下因

翁姑垂老撫姪奉親茹苦自甘始終不渝

崔萬善妻趙氏性貞靜寡言笑二十七歲夫故躬自

退藏恪守閨範四十年如一日

李永全妻王氏二十四歲夫故孝事翁姑備極勤勞

撫孤養而兼教後列成均

楊萬泓妻宋氏二十八歲夫亡遺孤僅二歲育教成

人嘗以讀書厲之守節三十餘年

李凝芝妻宋氏二十歲夫故矢志靡他撫子欲其成

立亦病故氏堅守不渝鄉人悲其命之苦轉嘉其志之貞

馮兆昌妻王氏二十四歲夫故教子有方持身不苟栢舟之咏氏其近之

馮玉振妻曹氏二十七歲夫亡子幼撫孤勤勞積紡織資為子授室馮氏賴之

王宗亮妻郭氏二十八歲夫亡撫孤教養兼至後舍節弄孫精神老而愈振守節四十餘年

白永泰妻劉氏二十八歲夫亡事親撫孤教養兼至親操井臼紡績自任其志怡然

周承寬妻李氏二十八歲守節事姑盡孝訓子知方紡織勤勞志不可奪洵足為巾幗式現年六十三歲

李攀虎妻李氏二十四歲守節善事孀姑曲育幼子雖家無斗筭而晝採柴薪夜勤紡績其志終不可

李培珍妻梁氏二十歲夫亡母家勸其改適氏涕泣不從後數月生男撫養成立宗祀賴以不墜守節

三十一年

楊進泰妻陳氏二十七歲夫亡遺子淮亦無出遂與

卷之十  
附姚亦華妻李氏二十九歲夫亡無子取姪愛若已出  
年終一十

李操作彌勤鄉里重之夫亡無子取姪愛若已出

郝子秀妻李氏二十六歲夫亡遺二子俱幼氏艱辛  
撫養窮且益堅守節五十餘年

連學純妻王氏二十九歲夫故事親無違教子有方  
勤儉持家未嘗怠守節五十年

范明旺妻王氏二十六歲夫亡事姑撫兒以布易粟  
迄無異志守節三十一年

王永昌妻連氏二十六歲夫亡無子取繼子亦亡與  
媳聶氏同心守節三十餘年不變而兼孝

李順保妻秦氏二十八歲夫故家貧撫三子一女成  
人藉紡織以爲婚嫁資終無異志

侯留住妻郝氏二十四歲夫故遺孤一週殷勤撫育  
家貧紡織度日艱苦備嘗守節四十七年

趙和璧妻王氏十九歲夫故家貧子幼以紡績爲生  
計守節厲志久而彌堅夫亡無子取姪愛若已出

杜傳汶妻梁氏二十七歲夫亡遺二孤俱幼氏訓子  
成成家躬親紡績鄰里稱善

郝安鑑妻衛氏二十九歲夫亡家貧奉姑撫子以布  
林易粟永無異志守節三十四年

馬思邦妻武氏二十一歲夫亡遺孤多疾懼不克日  
晝夜啼泣多方撫育遂至成立人以為苦節之報守  
節三十一年

常克勤妻張氏二十八歲夫亡育子多艱持家勤儉  
茹苦自甘靡有他志

王應賓妻李氏二十四歲夫亡無子姑老家貧衣食  
不繼氏晝夜紡績以供姑饌其節而兼孝如此

趙運昌妻崔氏二十二歲夫亡遺子四家貧以紡織  
為生撫育完全守節三十四年

杜傳樑妻暴氏二十六歲守節撫孤饗殮不繼氏紡  
織度日備極勤勞

孟中和妻王氏三十歲夫亡敬事翁姑生養死葬以  
婦代子始終如一

趙久和妻李氏夫亡時氏二十二歲撫孤七齡教養  
兼至不稍姑息偶踈於學即忿守節四十餘年

趙時富妻李氏二十六歲夫故取姪為嗣教養兼至  
人不疑其非生子也守節幾四十年

王舜年妻韓氏二十五歲夫故孝事孀姑撫孤成立

俯仰無憾鄉里賢之

趙礪礪妻張氏二十七歲夫亡家貧無依紡績度日  
奉姑撫子始終不渝

孫元杰妻郝氏二十六歲夫故奉姑撫子悉取資於  
紡績矢志靡他

孫守禮妻張氏二十六歲夫故奉衰翁撫孤子以紡  
績爲生終無二志守節三十餘年

郝兆福妻陳氏二十九歲夫故家貧無依奉姑撫子  
悉賴女紅爲生計其遇極艱而氏恬然

張元之嫡妻王氏夫亡氏二十六歲奉姑撫子曲盡  
婦道家務多艱而志不渝持節三十餘年

連登仕妻韓氏二十六歲夫故翁姑俱邁一子尙幼  
氏周旋其間卒至俯仰無憾

向陽妻解氏二十九歲撫孤會元教養成立家貧不  
易其志持節三十餘年

王文妻李氏二十九歲夫故撫前妻遺子如已出教  
養無薄厚之殊持節五十年鄉人稱之

崔朝陽妻趙氏二十九歲夫故家貧撫週歲孤紡績  
爲食持志不渝

王秋堂妻李氏二十九歲夫故遺子二女一撫育成

人勤勞不倦

連崇綉妻苗氏二十七歲夫故無子取姪爲嗣恩勤  
脩至厥心無二

張占魁妻馬氏二十五歲夫故子方襁褓氏教養成  
人不辭勞瘁

翟糾儒妻常氏二十六歲夫歿艱苦自守終無二志  
范延年妻趙氏二十一歲夫亡撫孤二歲教養脩至  
長而就傅不稍姑息

路達妻郝氏二十六歲夫故撫子成立取李氏爲媳  
既而子故更勉其媳以守節終聞者嘆服

劉向亨妻魏氏二十九歲夫亡遺子方數月氏撫育  
成人立志守貞不辭辛苦

趙永仁妻郭氏二十五歲夫故教子成人持身不苟  
守節三十六年

魏登山妻馬氏二十七歲夫故親族勸嫁氏啼泣不  
從矢志撫孤境愈苦而志愈堅

栗崇仁妻張氏二十八歲夫歿無子翁多老病氏服  
事殷勤以代子職始終無間

魏希絳妻在氏二十九歲夫亡家貧教子撫孫不憚  
勞苦守節三十八年

杜文瓦妻王氏夫故時氏年三十歲家貧撫孤憑紡績度日未嘗稍懈

袁沛然妻李氏二十八歲夫故奉姑孝持家勤撫孤教姪胥盡其道守節三十七年

李攀昇妻范氏夫故時氏二十五歲事翁姑撫子親操井日脩厯艱辛守節三十餘年

郝攀桂妻傅氏二十四歲夫故翁姑衰老氏竭力奉養勞瘁備至迄無難色持節四十餘年

王永昌妻趙氏二十八歲夫故子女俱無家道貧乏憑手指度日終無他志持節四十餘年

王方會妻李氏二十七歲遺子甫二歲紡績撫孤堅貞自矢持節四十年

王廷蘭妻李氏二十八歲夫故家貧歲飢糠菜度日苦守三十餘年不變其志

張朝先妻弓氏年二十歲夫故遺子俱幼含酸茹苦以紡織易食撫育完全守節三十餘年

弓享侯妻張氏二十七歲夫故撫立繼子無異已出弓氏宗祀賴以不墜守節三十八年

韓良權妻孟氏二十九歲夫故遺子尚幼氏以紡績育之終無他志守節四十三年



孟宜安妻却氏性至孝二十六歲夫故事姑有加禮  
無不及守節四十一年

楊廷會妻孟氏二十八歲夫故遺二女訓誨維嚴女  
長擇配氏依婿爲生其志終不可易守節四十年  
姚好之妻陳氏二十九歲守節撫孤盡孝教訓維嚴  
機聲伴讀不歇寒暑子列膠庠母訓居多守節四  
十一年

范守文妻楊氏二十八歲夫故遺子方一歲家貧難  
度氏朝夕紡績撫養成八鄉里賢之

鄭本之妻孫氏三十歲守節事翁撫孤各極其誠雖  
家寒無資而苦守不變

黃有發妻却氏二十八歲夫亡親老子幼姑忽感子  
與悲氏即引子嬉戲以解親憂其孝慈兼盡如此  
者守節四十九年

張足之妻馮氏二十六歲守節事舅姑愛敬俱存撫  
藐孤慈嚴並用張祀賴以不墜者氏之力居多壽  
七十四歲

馮月麟妻蘭氏二十歲守節家本寒素夫歿愈窘氏  
晝則拾薪采茶夜則弄機投杼餬口維艱從未形  
諸辭色其苦節可貞如此壽七十三歲

生王用賓妻李氏幼習詩書通文字勸夫力學童年入庠及二十六歲夫故無子取姪書堂為嗣亦勸力學以圖上進其教子謹嚴如此

周子蘭妻趙氏二十九歲夫歿雙親垂老三子孩提母家欲奪其志氏不從仰事俯育其志愈堅壽六十五歲

監生連積誠妻趙氏三十歲夫故撫子克岐成立後膺鄉賓教育諸孫成名咸豐初年入太學者二登鄉薦者一與弟媳邠氏相矢共守無毫末嫌族姪外戚托庇而成者甚多至今鄉人頌德壽七十三歲

連積基妻邠氏二十一歲夫故子克疑亦逝與嫂趙氏相誓持節言笑不輕紡織一室不見外人者二十餘年後取胞姪孫國學士偉孝廉士毅為嗣壽

王六十三歲夫故子克疑亦逝與嫂趙氏相誓持節言笑不輕紡織一室不見外人者二十餘年後取胞姪孫國學士偉孝廉士毅為嗣壽

張富邦妻茹氏二十九歲守節翁姑俱存氏事尤謹外內稱孝

趙麟瑞妻侯氏二十八歲夫故無嗣取姪承祀不以貧易操鄉人稱之  
侯錫川妻馮氏十九歲夫歿遺子方數月氏安貧撫育訓養成成人

趙維五妻李氏二十九歲夫亡立志堅卓訓子嚴明  
年五十八歲

段子敬妻崔氏二十九歲夫亡事親孝教子嚴家務

女工尤極勤勞壽六十六歲

郝子鉅妻李氏二十五歲夫故事衰翁撫遺孤勤於

織紡織矢志靡他壽五十六歲

王九如妻李氏二十九歲守節撫兩孤成立為人紡

織攻書茹苦自甘始終不渝壽七十一歲

牛文發妻栗氏二十四歲夫故遺子二均在襁褓氏

教育成人勞苦罔懈壽九十歲

傅巨川妻王氏二十五歲夫故事孀姑以孝撫弟姪

以慈辛苦備嘗沒齒無怨言

路育麟妻李氏二十三歲夫故氏有遺腹越五月生

李子奉姑撫孤迄無異志鄉黨咸稱仰焉

生 鄭維城六世同居妻秦氏二十六歲守節事姑孝撫

禮子慈持家儉待人寬隣人稱道不置

李環山妻張氏二十四歲夫亡家貧子幼并日親操

李紡績不輟得以生全壽六十八歲

楊茂林妻張氏二十二歲夫亡遺二子俱幼氏撫養

成人教訓謹嚴壽七十五歲

任克勤妻張氏二十二歲夫故遺子尚幼以紡績縫

財祗為生計撫育成立壽七十二歲

李呈祥妻郭氏二十四歲守節教弟撫子艱苦備嘗

李壽六十六歲

鄧王道妻郝氏夫故時氏二十三歲事舅姑以禮治

家有條教子訓孫皆至成立壽七十四歲

李極深妻楊氏夫故氏年二十八歲遺孤五齡家貧

難度氏辛勤撫育至於成立五十九歲卒

武仁勝妻趙氏夫故時氏年三十歲撫遺腹子步雲

成立族人稱重守節三十六年

劉庚申妻張氏夫故時氏二十八歲遺一子一女

口無資氏以鍼黹為生勵志不衰守節三十年終

李青福妻季氏夫故氏二十九歲生子未及授室而

亡氏取姪孫撫之以承夫祀守節三十五年卒

栗先魁妻李氏夫故氏二十四歲一子尚幼翁姑恐

其有他志氏窺親意信任勤苦至死不渝竟以

栗汝狀妻趙氏夫故無子氏年二十一歲自取幼姪

繼嗣撫之如所生持節三十五年

趙純論妻魏氏年十九歲而寡孝事翁姑教子成人

張邑侯隔曰冰雪心傳

聶學會妻連氏二十六歲夫故姑老遺子汝楫幼氏  
誠仰事俯畜備歷艱辛兼撫姪子外戚成人後諸孫  
林立人以爲節孝之報壽六十一歲

王進雙妻劉氏二十九歲夫亡家貧親老遺子數歲  
氏矢志守節仰事俯畜備嘗艱苦鄉黨稱之

魏居梁妻張氏二十八歲夫亡姑亦逝素嫻禮教讀  
書識字事翁盡孝訓子有方理內事井井有條以

守節終

栗汝傑妻楊氏年三十而寡家貧如洗紡績營生撫  
育二子成立七十三歲終

劉助清妻趙氏二十五歲夫亡生子方一日哀痛欲

絕所親力勸心漸安事翁姑育子女茹苦操作終

無他志

劉生榮妻趙氏夫故時二十九歲撫繼子鴻範取媳

郭氏生孫一氏二十二歲亦寡姑媳同志守節義

撫嬰兒厥後相繼而終

劉士魁妻史氏年三十歲夫故持節撫孤至於成立

制行不苟尤善持家今七十二歲

李端午妻劉氏二十二歲守節家貧子幼紡績爲生

至今六十五歲

李有貞妻李氏二十九歲夫亡撫週歲子成立紡績  
爲生守節三十餘年終

韓國琦妻袁氏二十八歲夫亡未幾夫弟國璉亦亡  
遺妻張氏年十七與嫂矢志同守各撫姪子成立  
均歷三十餘年

史獻直妻宋氏十八歲守節紡織自給七十八歲終  
郝致照妻張氏二十八歲夫亡撫養三子成立七十  
七歲終

庠生李毓華之妻韓氏夫故時二十九歲孝事後姑待前  
女無異已出紡績自給教養三子成立壽六十歲終

鄭逢時妻馬氏二十七歲夫亡遺子六歲孝敬翁姑  
教子義方和睦鄉鄰語笑不苟以守節終

李毓林妻王氏二十六歲夫故家貧無資翁老子幼  
以紡織度日終無怨言鄰里稱之以守節終

張天錫妻李氏夫亡氏年二十六歲遺子二俱幼家  
貧如洗氏夜勤紡織晝採藜藿艱苦備嘗終身無  
怨壽七十有八迄今子孫滿堂鄉黨頌之

張起雙妻王氏二十九歲夫故家貧憑十指度日守  
志不渝撫二孤成立後孫曾繼起壽七十五歲終  
王明法妻趙氏二十八歲夫故茹孽撫孤始終如一

壽七旬有一

雜紀

嘉靖三十一年八月突有賊匪十七人北來至縣執於官訊問賊忽大亂縣丞陸倫被賊害并殺傷縣民十餘人闔城警惶主簿郭東陽督邑人盡數擒殺之

本舊志

道光十二年邑侯張修理張右侯塋域并記該處好義紳士從九品銜李將出捐墓前地二畝武生陳奪魁捐墓前地一畝童生李懷瑾捐墓旁地一畝二分童生李毓登捐墓後地一畝以作祀田共糧銀肆錢壹分九厘五毫祿米五合六勺更名張永垂入故縣里一甲完納其地交下良水碾兩邨保約召佃承種每

年租利除完賦外為春秋祭掃隨時加土養樹之費  
不得日久而懈

黃魯直石刻薄酒醜婦二歌相傳舊存涼樓上即八景中涼樓

勝年久樓傾此石亦墮於河後有人渡河見河中一

處水勢激洄澈底澄清甚以為異披沙求之乃得是

物不知何時轉落邑中姚姓家存或云即其先人從河中撈出未識是

否珍藏既久遂據為已有至咸豐年間姚氏式微意

欲轉售書院肯士以錢二十千購之永藏漳川書院

為邑中珍物或有願搨印者咸到書院斷毋許外人

私自取出附記於此以告後來

舊傳言嘉慶年間邑中瘟疫大作每至夜分輒聞有

叩門者曰散瘟疫人無敢應聲一夜西街李姓家聞

叩門聲方驚惶間忽聞有止之者曰勿叩勿叩此家

素不食牛肉應免瘟疫遂寂然後果闔家安然無恙

夫果報之說古訓昭然而食牛之禁勸誡尤嚴且感

應篇陰隲文所載證驗類此者甚多此事雖屬傳語

而揆之於理實不誣也因記之以示勸云按西街李氏累世書

香素多善行所云不食牛肉其家固有是戒亦宜有是報於事於理確可徵信慎毋以傳語而忽之也

邑係衝途每遇大差必須點驗騾馬以支應用向來

凡點用騾馬發錢若干其未經選用并出外騾馬帮



錢若干用少帮多不足以昭公允同治八年署縣程  
 公酌定章程議立規條日後辦理差務不得任意加  
 添是亦利民之一事也邑人因勒石以垂永遠碑立  
 大堂  
 西偏

續藝文

重脩北城牆碑記

邑侯張方卓

縣以城得名二千年無改謂趙襄子所築也遺址疑  
 在史水之北東西故縣村志云甘水北接其形勢恐  
 未然今城建於唐增於金周六里三十步明及

國朝屢加繕治東南西三面磚包北面僅具土胎以瀕  
 甘水故余於道光三年蒞任南面已圯一十八丈北  
 面堙缺人獸可踰樓堞之壞浪窩之穿指不勝屈乃  
 集紳士勸捐重脩四載而工始竣北面四百五丈概  
 包以磚臨河者砌砌立牆以禦冲刷一切塌損之處

悉爲補葺高厚多過於舊內外門樓八座角樓四座  
小樓六座敵臺七座砲臺一座女牆八百七十四堵  
翼然維新計用錢文一萬五千四百餘千除本縣暨  
殷戶捐錢合銀三百兩以上者詳明  
上憲奉邀議叙外凡屬勞力輸財莫非急公尚義一  
并列石以垂久遠

古韓書院記

張力車

邑有古韓書院可誌也括地志同州韓城縣南十八  
里韓原古韓國地詩大雅韓奕箋韓姬姓國始富辰  
所稱武之穆歟後滅於晉爲曲沃桓叔之子萬食邑  
及三家分晉韓又爲國則非韓原之韓矣今潞安府  
昔潞州本黎國紂時助虐武王戡之既克殷以封奔  
裔東與衛隣迨迫逐於狄衛弗救卹式微旌邱所由  
作也晉滅赤狄潞子地盡屬焉戰國初爲韓別都信  
陵君勸魏王存韓猶謂通韓上黨於共甯顧以近趙  
遠韓卒并於趙隋改韓州領上黨長子壺關襄垣銅  
鞮屯留潞城武鄉黎城涉十縣是襄垣隸韓州非韓  
州卽襄垣也惟唐武德元年以襄垣黎城涉銅鞮武  
鄉置韓州貞觀十七年州廢屬上黨郡此縣號韓州  
所本第由今溯周溯隋唐時皆已古渾曰古韓得不

令人悶瞽乎成周之際學校大備秦愚黔首掃蕩無餘漢至武帝始用儒術歷觀晉隋唐莫能盡復古制書院濫觴五季宋則嵩陽睢陽嶽麓白鹿最著蓋儒先就山林間曠講業授徒而時君分官書命祿秩錫扁榜以寵之與學校并行者也

聖朝文教昌明遠軼前代書院大者驛送經籍俾多士讀

未見書主講有成效恒邀 奏叙凡省會郡邑靡然

嚮風鮮不鳩財荆建規模固未可概論也今屋僅數

椽書無一部直義學耳何書院之有况終歲所入百

餘金不能具修脯延山長遂爲進領者取去以致房

舍坍塌鞠爲茂草原夫初設之意詎以資遊客哉道

光四年春亟修葺以居生童按租息以給膏火余亦

不揣蕪陋與學師分任課程其內門通 文廟顏曰

依文蓋若合學校而一之焉茲將舊有賞產暨續置

書籍地畝注冊擇紳士經理之俟有力者恢廓而記

其說如此

重建南關閣碑記

張力卓

夫祀有正有從有專有合凡則褻非其分所得祀神

必不據祭亦無福縣屬邨廟憑臆立神又取所見所

聞牌書泥塑不倫不次甚至荒誕無稽一併羅列即

南關閣亦然閣建自天啟四年修於順治五年務華少實至道光十一年傾圮念其四山環峙一水帶縈占邑之勝圻而重建舉殘像付之東流禹貢衡漳集傳衡古橫字酈道元直謂之衡水橫水并不稱漳曾收以地形東西橫南北從河從漳橫為解然天下水之由西赴東者衆矣漳獨以衡名何邪嘗聞漳水入處舟皆辟易倘以其力言之如弱水例邪夏官職方冀州其川漳其浸汾潞鄭康成注潞出歸德漢時兩歸德一屬汝南一屬北地與冀無涉清漳出樂平少山濁漳出長子發鳩山地志與山海經合桑欽云二漳異源下流相合同歸於海

御纂書經及周官並採地理今釋云二漳會於河南涉縣

交漳口東北流至直隸廣平縣分二支一支東行入衛河一支為經流東北行經山東邱縣界復分二支一支北行入大陸澤一支為經流經直隸清河阜城交河至青縣合衛河北流至天津西沽合桑乾諸水東行入海所謂老漳河也其一支入大陸者亦東北行至天津西沽合諸水入海所謂新漳河也桑說洵不謬矣唐人因其獨達清以為瀆然當禹時漳至阜城入河迨漢後河從東南大伾而下非其故道乃獨

達勢使然也易被謂漳一名潞則職方不應分川浸  
關關謂周以濁漳爲潞清漳爲漳則清漳未若濁漳  
之大何以名川道元謂他川無可浸者巨浪長流惟  
漳水耳潞城爲春秋赤狄之國得名已久漳至是而  
稱潞過是仍稱漳易氏闞氏皆有見而云然歟且濁  
漳滙納細流至潞城西南滹泓可灌漑則或以流者  
謂之川潞者謂之浸歟縣故多山亦多水史水甘水  
原委境內洩水西漳來從境外而濁漳一以貫之蓋  
沁州武鄉長子屯留壺關長治潞城平順之水悉歸  
焉余曾閱旱欲用南方車注法僉曰河水瘠地寒土  
夫自鄴以東開渠築堰引漳溉田明著史策何高其  
利不虞其害歟勿以此邦之人難與圖始至浸不得  
浸歟近因漕道淺涇漳河助其浮送

天子嘉濟運功益隆廟祀而邑居上游每於夏秋間輿用  
旺源禾稼藉以優渥則雖山川同壇宜專祀以答其  
貺也故立 河神位於閣 文昌帝君薄海尊奉前  
明議入祀典遷延莫決嘉慶六年

特旨崇祀與 關聖大帝同城有閣有祠咸遍闐闐未能  
見遠文風不振或少神助故設位上層之樓夫農者  
衣食之原土者禮義之表將欲遂生而復性得無有

資於是也乎

重修東西廡記

邑侯卓熙泰

道光癸卯冬余蒞襄邑恭謁

聖廟見兩廡傾頽

先賢木主露處風日中擬即舉修而

返寒未便興作今年春適

府憲修貢院札令勸捐

擇紳士襄其事因即以兩廡之工諭并捐款而三分

其一余亦捐廉倡率復諭廩生等捐益之廼擇日興

工俾紳士經理三越月而告竣重葺東西廡上下耳

房并戟門名宦鄉賢二祠共四十四間約費四百餘

緡樂輸姓氏未可湮沒為之鐫誌其起未使後有所

效焉

荆修書院考棚碑記

卓熙泰

嘗考三代之制祇立學校而已無所謂書院也周末

學校廢弛有志於學者多自相授受故孔子與七十

子講學於洙泗以維持世教此實書院之權輿也自

漢迄唐以雜途詞章取士學校之政益壞宋代濂洛

關閩諸儒復緒鄒魯之微言聚徒講道鵞湖鹿洞始

有書院之名後世遂遞相沿襲故忠孝節義之士多

出乎其中我

朝菁莪造士棧樸作人自首善之區以達遐陬之域無

不建立書院誠以培植人材敬崇風化莫重於是也襄邑古韓書院由來已久第湫隘囂塵不可以居大非管子所云處士就燕閒之義邑中之缺事惟此爲甚余忝任茲土屢欲更張因念工程浩大兼之擇地爲艱是故因循三年未遑置議丁未之春謀於紳士購得縣治東偏李姓郝姓崔姓地基各一段鼎建書院綽乎有餘並可以建立考棚安設坐號隨即派緣簽題闈邑踴躍更始於是年三月念日至戊申四月而落成共支去制錢五千五百餘貫自映壁以迄後牆築室一連六進內立講堂書舍考棚坐號神座廚房均齊完備董其事者屢皆綜理微密故閱年而工竣自是而後談經有舍試士有所可以免燥溼寒暑之虞可無煩搬椅運几之苦不可謂非盛舉也夫爽塏更而氣運有日開之勢絃誦適而人文呈炳蔚之觀堂構維新旣一勞而永逸斯濯磨恐後自騰實而蜚聲將見處爲名士出爲名臣固足以爲一邑之光道宗孔孟理闡程朱並足以建千秋之業皆於是舉十之矣獨是莫爲之後雖盛弗傳茲規模已立一切善後事宜後之人有能潤澤而整頓之者是余之所厚望也夫是爲記

重修明倫堂碑記

邑侯孫曰庠

已酉夏余奉檄調守茲土蒞任伊始恭謁

聖廟既而投刺於學博兩先生徘徊四顧目覩明倫堂圯塌剝落且規模卑狹不足以壯觀瞻至東西齋房基址傾圯幾蕩然無存竊念學宮爲風化源頭不可不急爲整理爰集諸紳士共商斯舉翕然稱善用是募衆勸捐積貲一千四百千奇工於六月初吉閱半載而告竣增其式廓以崇聖殿尊經閣忠義節孝兩祠次第更新因以見人心好善不吝財不惜力一倡而百和者厥非無自憶前任黼侯卓君於縣治東偏創修漳川書院與夫考棚號舍咸稱盛事余承乏茲土思以興學立教勢不得因陋就簡繼自今黌序丕振文運將蒸蒸日上尤望後之君子廢者修墜者舉其方興而未艾也可於此日十之

登雲會記

上黨太守金昉善

士習與民風相爲表裏明教化崇禮讓知詩書之可貴無錐刀之是競其風俗之美與抑學道受人賢司牧有以振興而利導之耳潞之民素稱淳樸其地風高早寒田不再熟又關水利雨不時至歲卽不登故稱瘠土其民或懋遷於外以贍其家亦不能如他郡



之饒裕自餘皆務耕讀節嗇勤苦鮮惰民而土遇鄉  
闈亦輒以資芥不繼爲之裹足寒牕燈火每相率而  
有忘心加以突丑粵匪西竄居民驚擾邇來應試亦  
復寥寥然則培養元氣鼓舞士風非今日之急務與  
嘉善孫君稼亭以名孝廉來宰襄垣其爲人恂恂儒  
雅一以寬厚捐循爲治邑之人樂其化奉其教爲政  
三年百廢具舉上官嘉其能今太守鈴公每爲余稱  
道不去口戊午歲分校省闈歸而見襄之赴試者少  
也率以貧故亟謀所以欣助之乃有登雲會之舉余  
惟作吏者視官如傳舍不肯爲地方久遠之謀而孫

君盡心民事加意士林捐廉一倡紳商士庶踴躍同  
心共成義舉得錢若干繕存典生息設立章程擇公  
正殷實紳士典司其事孫君猶以事方圖始集腋無  
多推廣擴充俟諸異日余謂是舉也非惟培植士氣  
抑亦好義興仁俗敦禮讓之驗也在昔叔簡呂先生  
嘗宰是邑矣其一言一行至今奉爲官書治譜雖在  
襄未久遺愛猶可想見然政尚嚴明故事無不舉今  
孫君獨和易近情而凡邑所當爲者無不從容就理  
蓋讀書皆以致用寬猛殊而盡心一也抑士者鄉之  
秀民也識必超於鄉行必式乎鄉以此日之科名十

他年之建樹邦家之光即閭里之榮此則賢宰與邦人屬望無窮之意吾知有志之士相與敦品勵學行見科名接踵并思所以重科名者余方拭目望之矣余罷郡爲寓公當事延主上黨書院樂其土風之美而見孫君弦歌之化洵乎愛人且易使也是爲記

登雲會碑記

邑侯孫福清

子輿氏有言無恆產而有恆心者惟士爲能如范文正齋粥蕭寺當其作秀才時便以天下爲已任所謂憂道不憂貧者非耶然古者鄉舉里選考其制在鄉學則由鄉大夫升之司徒在國學則由大樂正升之

司馬皆考其德行道藝而實興之其資遺之制不可得聞而要以賓禮禮之則優崇可知矣漢世徵明當世之務習先聖之術者令與計吏偕縣次續食惟其擇之也精亦待之也厚厥後一變而爲詞章之學再變而爲科舉之學應舉者得自投名古意寢微焉然士之誦習先王求志達道者固卓卓世有傳人焉我朝文教振興士皆萃之於學校優者給以廩餼復設立書院予以膏火貲既教養備至矣而鄉會試道里之需貧士往往難之則大吏與司牧者類能謀之鄉之士大夫資其行李其猶賓興計借之遺意歟願良法

美意各省皆有而彈丸小邑未必盡能仿行余自丙辰秋來宰古韓案牘餘閒樂與邑人士以文學相切劘今年特開

恩榜而諸生之赴試者十不得二三豈士之不力學歟亦爲貧所累也夫三年攻苦毛羽將豐而困於斧資自鼓其翼非惟志士驚心抑亦長吏汗顏邦人愧色爾爰捐俸倡始闔邑紳商同心欣助得錢若干繕存典生息名之曰登雲會自是春闈秋賦不無少助泰糧庶士之奮於功名者聞風興起乎所願多士首敬品行次務通經次工文藝於以踐巍科躋臚仕文章

政事莫不基於恒心而是舉也事有類於恆產並行不悖且相濟以有成也惟事方圖始集腋無多推廣擴充俟諸異日至邦人之爲是舉也邦人之好義也余旣望諸生篤志勵學以無負其鄉而尤願典司其事者持以有恆毋令貪人得以浸漁酌章程之盡善俾永遠以遵行則後之來者必與余有同心焉邑紳趙君廷芝李君啟鵬實終始襄事厥功甚偉因並著之而別疏捐貲姓氏及條約如左

古韓書院義學碑記

孫福清

古者家有塾黨有庠術有序即義學所由助也襄邑

自前明成化間三原王公以名進士來宰是邦特於  
文昌祠後創建書舍十六楹爾時賢才輩出科第蟻聯  
人文稱極盛焉

國朝乾隆年間李君體中葺而新之始稱古韓書院繼  
此王公元禡亦曾加意增修道光四年張君力卓童  
爲整治而顏曰依文且謂屋僅數椽書無一部直義  
學耳何書院之有今其碑誌猶存壁間卓君熙泰治  
襄多善政因其湫隘近市別創漳川書院以居生童  
而此遂廢爲文昌後院余於咸豐丙辰秋承乏茲  
土樂其民之儉嗇而俗之淳良也公暇論文與邦人

士互相砥礪惜其穎悟者少科名亦漸式微此國風  
氣使然抑亦子弟輩無良師以啟發之也爰即書院  
舊居唱爲義學延經明行修之士設教其中每年捐  
廉八十餘千以供脩脯凡邑之有志嚮學而無力從  
師者皆得人而肄業焉數載以來頌彰成效余每至  
義學讀壁間碑未嘗不嘆張君之言早爲之兆也惟  
念捐廉設學好事者爲之耳安保其久而不廢因爲  
籌款購置良田二百三十八畝有奇每歲膳脩即取  
給於租穀庶幾垂諸久遠永無廢墜之虞乎然而儉  
歲既病於歉收豐年又傷於穀賤苟不寬爲籌畫恐

邑人趙廷芝  
邑侯陳公禱雨碑記  
後人云  
矣聞余之奉諱將歸也囑爲記其緣起刻諸石以告  
其端耳同年韓君紹休邑名孝廉也爲義學師有年  
卓侯其人者從而張大之乎是則余之爲此不獨造  
卽昔年之書院也書院經四百餘年始得卓侯擴而  
充之余又爲延師以董勸之區區義學安知不復有  
爲造就人材之所固相輔而行者也況今日之義學  
川書院因割息銀二十兩以界之夫書院與義學均  
舌耕者裹足不前適有存典生息銀五百兩擬歸漳

誠之所格大矣哉其在書曰至誠感神中庸言明則  
動朱註以爲誠能動物子輿氏亦言至誠而不動者  
未之有也蓋誠之所至可以理明可以格幽其於天  
也亦何莫不然况夫天一誠之所積也以人之誠感  
天之誠誠與誠通而其應如響則有如我 邑侯橘  
堂老父臺之禱雨可驗焉 侯自同治元年來宰茲  
土日以民瘼爲軫念凡興利除害在在任以實心遇  
歲少旱輒秉誠祈禱禱無不雨其感應者屢矣今夏  
閏五天時亢旱苗禾枯槁人民號呼我 侯日夜焦  
思憂形於色廼齋心起

承惠昭澤王廟竭誠默禱復率廿八里往鹿泉山敬取法  
 水躬親步禱為士民先然僅得微雨民以為未足越  
 日復諭北底村諸香老虔赴龍洞取水兼施以度  
 支廢用不耗民間一錢 侯科頭戴柳步禱步接於  
 炎天赫日之中歷崎嶇二十餘里之遙歸即齋宿  
 王廟朝夕展拜瀝誠籲懇將及三日邀余等於廟以  
 為今再不再雨歲且薦飢吾民其何以堪耶焦灼愈深  
 幾至墮淚復擬各廟立壇徧禱羣神一面親詣龍  
 洞祈求雨澤總期盡誠竭力仰格天心乃誠動天隨  
 頃刻間密雲四布大沛甘霖經未申兩時之久遍野

均沾踰日又益之以霽霖繼之以淋漓優渥霑足一  
 雨連天由是苗之枯槁者勃然興矣僉曰我 侯之  
 功民之號呼者欣然喜矣僉曰我 侯之力夫天心  
 至仁即偶值偏災亦我民自底不類滋罪戾以干夫  
 和耳我 侯精誠所感上挽天心下祈民命一轉移  
 間頓使易歉為豐此其實心實政允宜頌之述之垂  
 諸永遠余是以詢諸紳耆並廿八里等皆以為心所  
 同然遂責記於余余不文愧無大筆以頌揚 盛德  
 謹就其誠心為民之意目所親睹者而誌其畧如此  
 漆給書院膏火記 署縣程汝濤

為觀郵治之世作養人材未不自學校興起者余  
 來攝襄篆見斯邑書院修整間為前知縣事卓黼侯  
 司馬所建規模宏敞至今課試賴之而經費無多不  
 敷士子膏火故肄業者仍復寥寥中心欲經營之值  
 年歲未豐民情拮据余既無廉可捐費又鉅資難集  
 今及期年余將受代矣籌之無術心滋愧焉適當余  
 初度之辰知鹽當兩行每遇縣官生日必演戲宴會  
 各送規禮四五十千一年兩度則每行費近百千與  
 其以無謂之禮致幣帛之虛糜曷若以有用之財作  
 地方之至計商之紳商將此項捐作書院膏火每年  
 鹽當各出錢百千文監院經理添給應課生童以助  
 薪膳官之壽禮永遠裁革所謂予不傷惠取不傷廉  
 者庶幾近之紳商僉以為可並乞示以垂久遠余思  
 後之宰斯邑者培植士子必有同心當不以此舉為  
 過也故記而予之泐石以告來者

重修襄垣縣署記

邑侯陳松齡

諺云官不修署執是說也天下無署矣夫署關一邑  
 之風脈萬目仰瞻而任其荒蕪頽圯無論居者有覆  
 壓之虞即觀者亦覺黯然無色則甚矣署之不可不  
 修也同治庚午余宰斯邑下車之始假館漳川書院

而講堂有不設公館之碑觀之心切愿焉急欲移居  
乃周覽廡宇數十楹無一完固可居者一堂後壁嵌  
有碑誌云明成化年修蓋四百年於茲矣厥後雖有  
修者不過補苴罅漏云爾無怪其荒蕪頽圯若是也  
不得已進邑人士商以捐修僉曰可於是寓捐於  
賦者農也有書捐於簿者商也計得四千緡不足余  
爲籌款以措遂鳩工庀材自仲秋以迄仲冬凡四閱  
月而內署之工竣始移居焉夫物無日不形黑無妍  
不形媿已修者輪焉奩焉未修者摧如棄如抑不足  
爲觀美矣况乎胥吏無值候之所罔國有逃越之憂

倉儲多霉朽之患是猶不可不亟爲經營者因復以  
續捐商諸紳富承諾君子慨然伙助又重承二十八  
里人等源源接濟衆擎易舉有志竟成需費萬金歷  
時三載至癸酉孟冬乃蒞事公餘之暇與幕中諸友  
登瞻雲亭以望見夫萬瓦鱗次鳥革翬飛東山之烟  
雨夕照之雲霞時時相映作采回憶昔之荒蕪頽圯  
景象恍若別開境界矣乃聞邑人士有竊竊議之者  
曰官不修署之說竟未可概論也余曰然

連飛騎墓碑

張力卓

石工李某言城西十五里許麥隴邊場出石刻內有



奇字揭而觀之蓋唐時邑人連簡字隆暨室張氏同  
穴而首行但題大周故飛騎尉連府君墓誌銘妻統  
於夫也序十六行銘七行不著撰書人名文沿六朝  
餘習字兼篆草行三體其載年月日等字武后所製  
時人不識故云奇唐武散官採隋舊名貞觀十二年  
始於左右屯衛設飛騎尉秩從六品朝會則周衛階  
陛聽敕宣入巡幸則夾馳道衣五色袍乘六閑馬連  
君以征高麗功得補斯職序稱六郡良家首膺召募  
與貞觀十九年克遼城詔率五陵之勁騎重六郡之  
良家合卒於永昌元年實中宗嗣聖六年明年九月

武后稱皇帝改元天授國號周飛騎不及見耳葬於  
天册萬歲二年景申一月天册萬歲次年即萬歲通  
天元年春時尚未改也而作景猶避唐諱也武后以  
十一月為正月故以正月為一月至謂連氏系出伯  
禽是東野氏之比意當時通姓氏學者多如李守素  
且號人物志源流或不謬歟此墓經今一千一百三  
十七年矣連族環居衣衿猶眾徒以譜牒失傳未能  
紀遠秋場既濛約與起勘地室隱然其上平疇六畝  
范氏之業屬其公購仍封誌石并成墳植樹以表之  
獨惜飛騎占籍襄垣已非一世祖父皆顯兆域無稽

墓垣縣志卷之十  
茲山昔名第平原頗占形勝其東三里桃園元集賢  
學士連肇之墓在焉又東二里東鎮明建文御史連  
楹之墓在焉楹致命遂志彪炳史策塋僅招魂亦足  
悲已然肇祀鄉賢楹祀忠義豈非其先流澤孔長哉  
余徵誌詞之信尤欣古家之完備而勒石俾連氏子  
孫共勉爲忠孝云

恭錄乾隆甲辰春間

御題連剛烈

金川不守景隆城叩馬壯哉御史楹先謁陵乎先卽  
位楊榮御異姓連情

李錦章傳

趙卿雲

先生余業師也李姓諱青綺錦章其字也生有至性  
甫成童卽以家貧親老爲憂惟專志奮讀以襁一博  
歡顏年十九入泮旋食餼訓蒙於太谷聞杜大賓爲  
谷邑名孝廉往師事焉凡師有收授罔不潛心受教  
久之大賓先生謂先生一日千里詢不羈才因備授  
以名家時文古文併經解試帖要法先生於訓蒙餘  
暇聿肆志斯道厥後由選拔登賢書得於杜師之力  
居多嗣後從學日衆先生必先品行後文藝爲準繩  
一時遂多知名士越十數年司訓長平仍以教谷人

者教澤人士風爲之丕振若王樹棠李澐王繼先諸  
孝廉皆出其門當任高平時有東學田公諱溥未及  
期年卒於署其家人餬口無從先生捐俸爲之倡並  
勸諭同人共得二百餘金俾一家孤寡得以完歸先  
生年方七旬遵禮告歸未嘗輕至公門而邑中公務  
又莫不應命若多太尊修考院卓公黼候創建漳川  
書院皆委先生督辦北鄉輸將以及捐起登雲會等  
事凡有公必先無役不至此一邑所共鑒者道光五  
年先生舉韓崔二節婦至縣檢查舊家久廢無稽惟  
時張縣主立意圖成先生聞屯留馮同年甫經請旌  
旋親身抄來全稿先生贊成於下張縣主力裁於上  
卒得建坊旌表嗣後襄人請旌多名皆依成式至若  
先生胸懷落落全無芥蒂與人故優游林下二十年  
間每以讀書寫字爲事暇則與胞弟青房兼族老數  
人暢談讌會見親族里黨諸少年必殷殷以孝弟忠  
信端品力學相勸勉益其至性然也偶至縣縣主罔  
不詫異以爲鶴髮童顏疑是地上仙矣咸豐辛酉先  
生年九十縣主孫稼亭親至先生茅廬溫言存問臨  
去書遣果稱人瑞匾額其見重於縣主如是雲親炙  
有年聊舉大槩以爲景行不忘云爾

歸併里甲條約以爲章程不志云知縣李汝霖

錢糧一項

國帑攸關自應依限全完以昭慎重襄邑錢糧向歸二十八里徵收到限不齊里總卽先佃解公私兩便原可遵行無如日久弊生津帮一層大爲地方之害每屆輪充里總各議津帮逐漸加增以致敗產傾家者所在多有甚至構訟經年拖累實堪憫惻余屢思裁革祇以事體重大未敢率易紛更茲據閩邑紳耆等公請裁革津帮按保歸併里甲以便稽查而歸簡易並開章程數則詳加披閱於民有益於公無損洵屬

兩全之道急應舉行卽自今年上忙起按八十一保均分二十八里務各近在一處每里分爲十甲每甲舉甲長一人開徵後里總催甲長甲長催門頭門頭催花戶一氣聯絡不日卽可周徧花戶亦無遺漏所有津帮永遠裁革絲毫不以累民至里總書手向有費用不能全裁者於極力撙節之中爲量加體卹之意擬每封正銀一兩帶交經費錢一百三十文此外并無分文浮費經此整頓之後里書費用民間概免科派疲玩花戶本村亦易稽查爾百姓積害旣除自當仰體

國課爲重之意踴躍封納毋蹈抗延故習致干查究實  
爲幸甚所有公議條約一併勒石永遠遵行可也自

重修泰山廟碑記

邑人李青綺

西營鎮之廟宇殆十餘所矣惟泰山廟獨據形勝之  
地其勢崇高其景幽雅真足以妥神靈也而有不僅  
此者余聞前輩多設學於此而即因以成名故康熙  
年間本鎮之趙子名孟侯者在此以得選拔乾隆年  
間武鄉之韓子名詡者在此以登賢書其他藉此以  
入黌序而食廩餼者尚不一而足蓋景幽雅故居於  
內可以絕紛擾而定心志勢崇高故觀於外可以開

沉滯而豁胸襟又復有文山聳峙於巽方曲水環流  
於山足世常說人傑地靈兩相需也理或然矣第自  
乾隆三十九年重修以後迄今已幾六十載歷時既  
久而牆垣瓦獸俱有毀壞傾頽之象是誠不可不急  
爲修葺也幸賴首事諸人同慨然以任其責多方募  
化鳩工庀材或仍舊或拓新閱一年而功始告竣而  
殿宇輝煌廊舍寬敞不惟可以妥神靈亦並可以便  
講學也倘後之有志之士克藉是以成其才有益於  
國家有光於吾黨豈非修理者之所深願而神靈之所  
甚樂也哉是山之底又有聖母廟相傳以爲后土聖

母云亦一時重修音事諸人因告於余曰是舉也皆集眾贊以襄成者也爰當鐫石而傳之永久故畧叙其梗概云至其創修之年與其所奉之神位前碑記言之已詳固無煩再贅焉是為記

重修雲峯寺碑記

李青綺

佛為西方之神三代以前中國未嘗有佛自漢明帝遣使求經而佛教遂流行於中國嗣後浸昌浸熾千餘年間凡通都大邑以及僻壤遐陬莫不建立梵宇圖像禱祀前代雖間有禁令旋亦中輟說者謂神之精爽不朽使然也類必以為人之功德莫大於立廟

祀神心之向善莫切於燒香拜佛則正不然夫古今之崇信佛法者孰有如梁武帝乎然吾聞梁武帝嘗問達摩曰朕創寺寫經不可勝紀有何功德達摩答曰此乃人天小果有漏之因如影隨形雖有非實夫達摩為西方釋祖釋家之所稱為二十八祖者也而其所言如此則人之欲求佛於菩薩之庇佑者當必實有其善可矣西營鎮之古寺曰普明寺者後改稱為雲峯寺創建不知何代所可稽者有前明與我

朝康熙雍正年間補修之石刻越今幾百年風雨侵蝕漸就傾圮里之人以為有其舉之莫敢廢也公議重

修寺中前後兩院最在內者爲三身佛殿因墻壁  
 消毀則惟加補葺而已中殿有當陽佛有觀音  
 大士以及羅漢諸神像焉前院有劉將軍殿伽藍  
 殿焉頽廢已甚則皆重新改作之又舊製有餘屋兩  
 處前輩曾爲設學之地余亦嘗肄學於此而規模甚  
 隘今則擴而大之復增修餘屋三處蓋所以爲藏修  
 游息地者欲寬然其有餘也其存心如此其善當亦  
 神明之所深鑒者也道光五年二月興工九月工竣  
 一二首事者以爲是廟之來多出自募化囑余作記  
 以誌不忘余因述達摩祖之所以言因果者亦以諸  
 君子向善之實心自有在焉而非漫誦其功德云爾  
 是爲記

1850

1850





